

REGLUGERÐ

46

3. maí

fyrir Læknisvitjanasjóð Hveragerðishéraðs.

1. gr.

Læknisvitjanasjóður Hveragerðishéraðs er stofnaður samkv. lögum um læknisvitjanasjóði, nr. 59/1942, og fer um sjóðinn eftir þeim lögum og reglugerð þessari.

2. gr.

Sjóðurinn nær til alls Hveragerðishéraðs. Stjórn hans skipa tveir menn, kosnir á sameiginlegum fundi oddvita allra hreppa læknishéraðsins. Kosning þeirra skal fara fram á fyrsta oddvitafundi eftir hverjar reglulegar hreppsnefndarkosningar. Formaður stjórnarinnar er sýslumaður Árnessýslu, og er hann jafnframt reikningshaldari og gjaldkeri sjóðsins.

3. gr.

Tekjur sjóðsins eru framlag úr sýslusjóði Árnessýslu, eftir samþykkt sýslunefndarinnar hverju sinni, eða framlög sveitarsjóða, eftir samþykkt oddvitafundar, svo og lögmælt tillög ríkissjóðs og aðrar tekjur.

4. gr.

Tilgangur sjóðsins er að auðvelda héraðsbúum læknisvitjun og draga úr og jafna kostnað þeirra af læknisvitjunum og sjúkraflutningum. Kostnað af hverri læknisvitjun endurgreiðir sjóðurinn þannig: Af fyrstu 100 krónum kostnaðar af einstakri læknisvitjun greiðist ekkert úr læknisvitjanasjóði, en $\frac{2}{3}$ af þeirri upphæð, sem er fram yfir 100 kr., þó ekki meira en 400 króna styrkur til einnar læknisvitjunar, sbr. þó 5. gr.

Ef nauðsyn krefur, svo sem ef sjóðurinn brekkur ekki til þessara greiðslna, getur sjóðsstjórnin breytt ákvæðum síðustu málsgreinar með samþykkt, sem þá skal auglýsa í hverjum hreppi héraðsins, en jafnan skal þó gæta þeirrar höfuðreglu um úthlutunina, að ekki sé veittur styrkur á hinn lægsta læknisvitjunarkostnað, síðan sé veittur hlutfallslega hækkandi styrkur á kostnaðinn, unz tilteknu styrkhámarki er náð. Enn fremur má stjórnin eftir sömu grundvallarreglu hækka styrkveitingar úr sjóðnum, ef hagar hans leyfir. Allar slíkar breytingar við þessa grein ber að miða við áramót.

Sjúkraflutningur, sem fram fer að tilhlutun læknis, styrkist á sama hátt og læknisvitjun.

Allir styrkir úr sjóðnum reiknast í heilum krónum, en aumur er sleppt.

5. gr.

Þurfi sami maður (gjaldandi) að vitja læknis oft á sama ári, eða verði manni læknisvitjun sérstaklega kostnaðarsöm (yfir 700 kr., sbr. 4. gr.), þá er sjóðsstjórninni heimilt að styrkja slíka menn umfram það, sem segir í 4. gr., enda sé sérstaklega gerð grein fyrir hverri slíkri umframgreiðslu á þess árs reikningi sjóðsins.

Sjóðsstjórninni ber, eftir því sem hún telur fjárhag sjóðsins leyfa, að veita styrki eftir þessari grein, og fara þá sem næst eftir reglu 4. gr., um hlutfallslega hækkandi styrki eftir hækkandi kostnaði.

6. gr.

Samlagsmenn sjúkrasamlaga innan læknishéraðsins skulu á engan hátt vera miður settir en aðrir héraðsbúar um styrk úr sjóðnum.

46

3. maí

Reikningsár sjóðsins er almanaksárið. Sjóðsstjórnin semur við héraðslækni um tilhögun endurgreiðslu ferðakostnaðar hans. Umsóknir um endurgreiðslu annars læknisvitjunarkostnaðar skulu komnar í hendur formanni sjóðsstjórnarinnar eigi síðar en í janúarmánaðarlok næst eftir að læknis var vitjað, ella má ekki taka þær til greina.

8. gr.

Sjóðsstjórnin skal koma saman í febrúar eða marz ár hvert. Tekur hún þá ákvarðanir um umsóknir, sem henni kunna að hafa borizt samkvæmt 5. gr., sbr. 7. gr., gerir upp og gengur frá reikningum næstliðins árs og leggur þá, ásamt fylgiskjölum, fyrir næsta sýslufund Árnassýslu til yfirskoðunar.

Reglugerð þessi, sem sett er samkvæmt heimild í lögum nr. 59 4. júlí 1942, staðfastist hér með til að öðlast gildi frá deginum í dag að telja.

Í heilbrigðismálaráðuneytinu, 3. maí 1954.

F. h. r.

Baldur Möller.

Sigurgeir Jónsson.

47

5. maí

SAMÞYKKTIR

fyrir Sparisjóð Eyrarsveitar.

I. Stofnun, nafn, ábyrgð og stjórn sjóðsins.

1. gr.

Sjóðurinn heitir Sparisjóður Eyrarsveitar og skal heimili hans og varnarþing vera í Eyrarsveit í Snæfellsnessýslu.

2. gr.

Sjóðurinn er tryggður með 3000 kr. — þrjú þúsund krónum — í stofnfé. Stofnfjáreigendur skulu ekki vera færri en 25. Skal stjórninni skylt að gera það, sem í hennar valdi stendur, til að sjá um að stofnfjáreigendur verði aldrei færri. Ábyrgð stofnfjáreigenda getur eigi fallið niður nema fyrir andlát, burtflutning úr lögsagnarumdæminu, missi fjárforræðis, gjaldþrot, nauðasamninga, eða ef maður verður öreigi á annan hátt. Stofnfjárframlag endurgreiðist eigi fyrr en við löglegt niðurfall ábyrgðar eða samkvæmt heimildinni í 22. gr. laga nr. 69 27. júní 1941.

3. gr.

Stjórn sjóðsins skipa þrír menn. Skulu tveir þeirra kjörnir á aðalfundi úr flokki stofnfjáreigenda, en hinn þriðji af sýslunefnd Snæfellsnessýslu á sama tíma, og gildir kosning þeirra allra til þriggja ára. Hlutfallskosningu skal viðhafa, ef þess er óskað. Stjórnarnefndarmenn má endurkjósa, en hafi þeir setið í stjórninni 3 ár samfleytt, er þeim ekki skylt að taka við kosningu fyrr en að 3 árum liðnum. Stjórnin kys formann úr sínum flokki. Deyi stjórnarnefndarmaður kjörinn af stofnfjáreigendum, flytji burt úr héraðinu eða falli ábyrgð hans niður á annan lögmætan hátt, skal þegar í stað kalla saman fund stofnfjáreigenda og kjósa annan í stað hans fyrir það, sem eftir er af kjörtímabilinu. Deyi stjórnarnefndarmaður, kjörinn af sýslunefnd, eða verði á lögmætan hátt óhæfur til að gegna stjórnarstörfum, skal